

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Broj: 10/E-11-7924/24
Sarajevo, ~~24-01-2025~~ godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj: 23/04), a na prijedlog Komisije za nabavku roba, usluga i radova III, imenovana rješenjem broj: 10-45-238/24 od 25.03.2024.godine (u daljem tekstu: Komisija III) u postupku javne nabavke za dodatne usluge održavanja objekta Kosi lift „Ciglane“, putem pregovaračkog postupka bez objave obavještenja o nabavci (Zapisnik o pregledu i ocjeni početne i konačne ponude broj: 10/E-11-7924/24 od 10.01.2025.godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I. Prihvata se konačna ponuda broj: 10/25 od 08.01.2025.godine, ponuđača „**FIDGES-UPRAVITELJ**“ d.o.o. Sarajevo, ulica Geteova broj 12,71000 Sarajevo, za dodatne usluge održavanja objekta Kosi lift „Ciglane“, putem pregovaračkog postupka bez objave obavještenja, ukupne cijene od 18.792,00 KM bez PDV-a, odnosno 21.986,64 KM sa uračunatim PDV-om.
- II. Izabrani ponuđač je dokaze iz tačke 2.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na protokol ugovornog organa (originalne ili ovjerene kopije).
- III. Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- IV. Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku dodatnih usluga održavanja objekta Kosi lift „Ciglane“ putem pregovaračkog postupka bez objave obavještenja, pokrenut je Odlukom Općinskog načelnika o pokretanju postupka broj: 10/E-11-7924/24 od 30.12.2024.godine.

Procijenjena vrijednost za predmetnu nabavku je 18.992,00 KM bez PDV-a. Sa izabranim ponuđačem će se zaključiti ugovor.

Poziv za preuzimanje tenderske dokumentacije u pregovaračkom postupku bez objave obavještenja za dodatne usluge održavanja objekta Kosi lift „Ciglane“ dostavljen je putem maila ponuđaču „FIDGES-UPRAVITELJ“ d.o.o. Sarajevo.

Shodno članu 28. Zakona o javnim nabavkama, Informacija o pregovaračkom postupku bez obavještenja za nabavku usluga, objavljena je na internet stranici Općine Centar Sarajevo dana 03.01.2025. godine.

Po pozivu za dostavu Zahtjeva za učešće ponuđač „FIDGES-UPRAVITELJ“ d.o.o. Sarajevo je u ostavljenom roku do 03.01.2025.godine dostavio dokumentaciju zahtjevanu tenderskom dokumentacijom.

Nakon dostave dokumentacije, Komisija III je pristupila analizi dostavljene dokumentacije u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji.

Nakon završene I (prve) faze, prihvatanja Zahtjeva za učešće, Komisija III je putem maila uputila poziv ponuđaču „FIDGES-UPRAVITELJ“ d.o.o. Sarajevo za dostavu početne ponude i poziv na pregovore. Ponuđač „FIDGES-UPRAVITELJ“ d.o.o. Sarajevo je dostavio svoju početnu ponudu.

U skladu sa članom 63. Zakona, Komisija III je u zakazano vrijeme pristupila otvaranju ponude, pročitana je cijena pristigle početne ponude kako slijedi:

R.br	Ponuđač	Ukupna cijena bez PDV-a	Popust	Ukupna cijena sa PDV-om i popustom
1.	FIDGES-UPRAVITELJ“ d.o.o. Sarajevo	18.992,00 KM	-	22.220,64

Nakon pregleda i ocjene početne ponude, upućen je Poziv za pregovore za dan 09.01.2025.godine sa početkom u 10:00 sati.

U toku pregovora, ovlašteni predstavnik ponuđača „FIDGES-UPRAVITELJ“ d.o.o. Sarajevo, se izjasnio da će u konačnoj ponudi izvršiti korekciju jediničnih cijena - redni broje 4., umjesto ponuđene jedinične cijene od 250,00 KM, jedinična cijena će iznositi 150,00 KM, odnosno da će ukupna cijena u konačnoj ponudi iznositi 18.792,00 KM (bez PDV-a), odnosno 21.986,64 KM sa uračunatim PDV-om, o čemu je urađen Zapisnik o pregovaranju.

Komisija III je putem maila uputila poziv ponuđaču „FIDGES-UPRAVITELJ“ d.o.o. Sarajevo za dostavu konačne ponude sa rokom do 10.01.2025.godine.

Dana 10.01.2025. godine ponuđač „FIDGES-UPRAVITELJ“ d.o.o. Sarajevo je dostavio svoju konačnu ponudu u skladu sa izvršenim pregovorima, te je Komisija III u zakazano vrijeme pristupila javnom otvaranju konačne ponude, pročitana je cijena pristigle konačne ponude kako slijedi:

R.br	Ponuđač	Ukupna cijena bez PDV-a	Popust	Ukupna cijena sa PDV-om i popustom
1.	FIDGES-UPRAVITELJ“ d.o.o. Sarajevo	18.792,00 KM	-	21.986,64 KM

Uvidom u konačnu ponudu ponuđača „FIDGES-UPRAVITELJ“ d.o.o. Sarajevo, Komisija III je konstatovala da je ista sačinjena u skladu sa zahtjevima iskazanim u tenderskoj dokumentaciji.

Shodno izloženom, Komisija III je donijela jednoglasnu odluku da se Općinskom načelniku dostavi:

PREPORUKA O PRIHVATANJU KONAČNE PONUDE

Ponudača „**FIDGES-UPRAVITELJ**“ d.o.o. Sarajevo, ulica Geteova broj 12,71000 Sarajevo broj: 10/25 od 08.01.2025.godine, za dodatne **usluge održavanja objekta Kosi lift „Ciglane**“, putem pregovaračkog postupka bez objave obavještenja, u iznosu od 18.792,00 KM (bez PDV-a), odnosno 21.986,64 KM sa uračunatim PDV-om, sa kojim se predviđa zaključenje ugovora.

Nadalje, Opštinski načelnik u postupku ocjene nije našao razloge, niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona. Naknada za pokretanje žalbenog postupka iznosi 750,00 u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri). Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak u iznosu propisanim članom 108. ovog zakona, obavezno dostavlja ugovornom organu dokaz o uplati i kopiju bankovnog izvoda računa sa kojeg je izvršeno plaćanje.

Prilog:

- Zapisnik o pregledu i ocjeni početne i konačne ponude broj:10/E-11-7924/24 od 10.01.2025.godine

OPŠTINSKI NAČELNIK

Dostaviti:

1. „**FIDGES-UPRAVITELJ**“ d.o.o. Sarajevo, ulica Geteova broj 12,71000 Sarajevo
2. Kabinetu općinskog načelnika – Odsjeku za javne nabavke
3. Službi za stambene i komunalne poslove
4. Službi za finansije
5. U spis